

青  
海  
秦  
疏



青海奏疏

為賊匪合股猛犯平番縣城督軍迎剿獲勝情形恭摺聯銜  
馳奏仰祈

聖鑒事竊奴才豫帥駐防平番一帶逼近米拉溝老巢溝岔繁

多路路可通現當賊匪下竄之際比擊彼突日夜奔逐未敢

稍有縱失臣左宗棠奴才穆圖善因剿河逆正在得手曾經

疊飭平番駐軍嚴密防範遇賊即擊在案忽於十一月二十

一日五更時疊據卡探報稱有米拉溝馬賊二千餘眾分股

翻山出竄奴才豫帥聞報當飭各營整隊迎敵仍恐賊眾兵

單奴才豫帥復親帶衛隊一百名馳往督戰行至離城五里

餘之河灣地方遙見賊匪馬隊六七百名在河灘往來馳驟  
其背山溝隙隱露鋒刃各軍對河布陣賊見我軍單薄竟敢  
衝突前來當檄飭管帶利建左營參將蔡正和首先率隊渡  
河挫其前鋒復令統帶南宇營副將李正魯率部由下流渡  
河奪其山隘署莊浪營副將鍾本起直擊中路蔡正和奮不  
顧身猛撲過河沖入賊隊李正魯隨即繞截賊後互相沖擊  
立斃賊匪數十名該匪隊伍散亂敗退香爐山溝猶欲負隅  
抵死撐拒鍾本起率部扼住隘口南建兩軍分兩路翻山自  
上夾擊將山後伏賊打退賊遂大亂狂奔各軍會合尾追入  
溝復派總兵羅景揚副將劉天雲帶同利建前營隊伍隨後



策應各軍節節剿擊傷斃賊匪極多其滾崖落澗不計其數  
直追殺二十餘里賊衆連遁歸巢時天已向晚當令收隊回  
營查點各軍僅陣亡勇丁一名受傷十三名伏查此次擊賊  
各軍皆因抽撥隊伍防卡搜山留營勇丁本屬無多賊衆合  
夥突來疾如風雨各將士皆能踴躍用命大挫克鋒李正魯  
蔡正和尤能不避礮石首先冲入賊隊以致該逆首尾不能  
相顧鍾本起獨扼隘口手殺多賊均屬奮不顧身異常出力  
可否籲懇

天恩將總兵銜儘先副將李正魯副將銜儘先參將蔡正和二

員請

賔給勇號提督銜記名總兵資勇巴圖魯鍾本起一員請  
賔換清字勇號之處出自

逾格鴻慈除臣等仍飭各營勤加偵探嚴密防堵外所有大股  
賊匪突撲縣城督剿獲勝緣由理合會銜由驛五百里馳陳  
伏祈

皇太后

皇上聖鑒訓示謹

奏

軍機大臣奉

旨另有旨欽此

再奴才豫師訪得離平番縣城一百六十餘里之炭山地方有賊巢一處所有零星四路出竄之匪皆歸於此處窩伏因密派管帶嚴正營千總何得彪由連城土司地方抄路暗襲何得彪遵即於十月二十三日挑選勁勇一百五十名寅夜翻山越澗於黎明時馳抵該處見賊匪約有四五百名果未設備立時驚擾何得彪率勇喊殺賊衆鳥不及鞍人不及械經我軍四面追殺共計殲斃賊匪九十七名奪獲騾馬一百十四匹軍械無算遂將賊壘平毀查點我勇陣亡一名受傷二名由該營派弁將割獲耳記呈驗前來除仍飭其密為探剿外所有攻毀炭山賊巢情由理合附片馳陳伏祈



聖鑒謹

奏

軍機大臣奉

旨知道了欽此

再在丹噶爾圓寂之塔爾寺阿家呼圖克圖前於同治元年  
由京旋寺適值回匪作亂經原任西甯辦事大臣玉通飭令  
舉辦團練所有西甯五川七族被害難民多有逃歸該寺該  
呼圖克圖均各給予口食俾全性命回匪屢犯寺宇該呼圖

克圖親冒矢石督帶團勇極力捍衛保全佛寺護救難民並  
援解西甯城圍奉派出口自備背斧調集番民助剿賊匪前  
後共歷六年之久晝夜勤勞疊著功勳以致積勞成疾在丹  
圖寂丹噶爾士民以該呼圖克圖生前種種勞績未便湮沒  
聯名稟由兼署丹噶爾同知劉肇瑞護鎮海協營副將王昇  
詳請具奏迨獎前來奴才覆查該呼圖克圖生前舉辦團練  
保全佛寺護救難民援解西甯城圍調集番兵助剿洵為疊  
著勞績可否籲懇

天恩實加封號以慰忠靈而遂輿望之處出自

聖主逾格鴻施理合附片奏陳伏祈

慈鑒訓示謹

奏

軍機大臣奉

旨該衙門議奏欽此



同治十年十二月二十八日內閣奉

上諭左宗棠等奏賊撲平番縣城迎剿獲勝一摺甘肅米拉溝賊匪分股翻山出竄經豫帥親率隊伍馳往督剿賊在平番城外河灘往來馳驟參將蔡正和等分路截擊立斃賊匪數十名賊遂敗潰官軍會合進剿殲斃甚多剿辦尚為奮勉所有出力之副將李正魯著賞給強勇巴圖魯名號參將蔡正和著賞給固勇巴圖魯名號總兵鍾本起著賞換哈福巴圖魯名號以示鼓勵該部知道欽此

為西甯土客各回求撫現委道員前往察看辦理情形恭摺  
具陳仰祈

聖鑒事竊臣等前據署理西甯府知府馬桂源稟據西甯各廳  
縣老民頭目馬永福等呈稱西屬回眾以封齋起衅兵燹十  
年其間良莠不一現在認真改過乞賜撫綏請委大員來甯  
查辦等情並准西甯辦事大臣豫帥咨同前因當以回情反  
覆不敢稍涉遷就擬預定受撫欵目觀其能否遵行咨准豫  
帥覆稱欵目內已量增數條俟馬桂源回甯時會列三銜出  
示令其帶往曉諭並委員會辦臣等覆加參核尚稱周密又  
據馬桂源詳據大通縣回目稟請委員驗收馬匹器械其情

詞迫切與府屬公稟畧同自應並飭委員同時辦理查道員  
馮邦棟為化平撫回所信服陳霖赴西甯時轉相告語該屬  
回眾頃慕吏殷此次陳霖接崔三等來出央求馮邦棟前往  
受撫西甯撫局自應併飭察看辦理以免紛歧所有西甯土  
客各回求撫現委道員馮邦棟前往辦理緣由謹會同西甯  
辦事大臣豫師合詞具奏伏乞

皇太后

皇上聖鑒訓示謹

奏



軍機大臣 字寄

欽差大臣陝甘總督一等恪靖伯左 軍夏將軍穆 西甯辦

事大臣豫 烏魯木齊提督成 同治十一年三月初二日

奉

上諭左宗棠穆圖善奏官軍疊攻太子寺情形請將棄營各員  
分別懲辦並西甯土客各回求撫現籌辦理各摺片甘南官  
軍進攻太子寺賊巢兩次失挫傷亡將士多至二百餘人覽  
奏曷勝憤懣記名提督甘肅涼州鎮總兵傅先宗著文部照  
提督陣亡例議卹記名提督前廣東高州鎮總兵徐文秀著  
文部照提督陣亡例議卹並於死事地方建立專祠其同時

殉難之總兵鄭守南李其祥楊文林劉篤志副將盧才華王  
福昌參將吳明勝游擊陳東海都司李相南張有才舒有貴  
均著交部各照所保官階從優議卹並附祀徐文秀專祠以  
慰忠魂傳先宗所部營哨官副將田大勝參將李天禧都司  
徐正華千總張永前文志懿熊得勝當徐文秀力援苦戰時  
棄營先遁致徐文秀等勢孤戰歿實屬罪無可逭著左宗棠  
將該員等即在軍前正法以昭炯戒記名提督河州鎮總兵  
王得勝補用總兵朱運廣記名提督彭忠國不能嚴督所部  
實力堵禦實屬庸懦無能均著革職留營以觀後效提督楊  
世俊因糧路隔絕移營退紮靖尚可原惟於徐文秀力戰時

未能迅速援剿亦有應得之罪姑念其平時打仗勤奮著革  
去勇號褫去黃馬褂降為叅將留營帶隊以示薄懲至辦回  
之法原應剿撫兼施唯須大加懲創後網開一面使知畏威  
懷德方為一勞永逸之計此次官軍疊次失控賊勢方張忽  
復遣黨投誠難保不首鼠兩端陰懷詭計現在雖已陸續呈  
繳馬械左宗棠仍當察看情形妥慎籌辦以免後患所有新  
調各軍著飭與前敵諸營聯絡一氣嚴為戒備勿為奸回所  
乘西甯土客各回及陝回崔三等均各乞撫是否出自真心  
並著左宗棠穆圖善豫帥督飭道員馮邦棟前往察看相機  
妥辦毋稍遷就左宗棠另片奏徐占彪抵肅後剿賊情形覽



奏已悉該提督擬先紮營肅州城南之紅水壩遏賊南竄之衝並調馬步各隊由涼州拔赴高臺進規肅城著左宗棠檄令激勵將士迅拔堅城毋任久距刻下肅州軍務既有徐占彪一軍足資剿辦成棧所部軍糧可敷數月之食該提督即當拔隊起程迅速出關不得再涉遷延其出關後需用糧食應如何源源接濟俾無缺乏之虞仍著咨商左宗棠妥籌辦理曹克忠餉項前已寄諭李鴻章寬籌接濟矣將此由六百里各諭令知之欽此遵

音寄信前來

為彙案將駐防各軍團勇屢次剿賊獲勝情形恭摺具奏仰

祈

聖鑒事竊奴才駐軍分防平碾一帶密邇賊巢正值河匪陝寇  
分竄之際當經奴才隨時嚴飭各軍籌布堵剿並分飭西甯  
各屬漢番民團一體併力遏截狂氛除將歷次緊要戰事隨  
時奏報並時常零星竄匪小有斬擒不計外查於同治十年  
十月十二日據署貴德廳同知劉肇瑞等會詳八月十二日  
西甯南川陝匪五六千人過山在貴德之江拉乃小壤溝等處  
焚掠並攻義汛營堡前股直竄阿什工等處逼近城河隨帶  
皮筏意欲渡河奪取貴德並由南路哈拉庫圖一帶攻撲丹

城署貴德營遊擊魏國恩調漢番兵勇沿河防堵派氏千總  
鄧連喜管帶兵圍七百名過河勦擊署貴德同知兼署丹噶  
爾同知劉肇瑞由丹派圍總陳洛藏帶馬隊四百名赴德助  
剿派圍總王重斗等各帶漢番民勇分路扼紮堵擊十三日  
賊在尕壤溝內依山盤踞分股圍攻亦雜什營鄧連喜督帶  
兵勇會合尕壤溝漢番民人直撲賊營當將該匪擊敗殺斃  
悍賊三十餘名奪獲皮筏四百餘個騾馬十三匹衣服器械  
多件查點我勇陣亡四名帶傷者十餘名適陳洛藏所帶馬  
隊亦到該匪四路受創遂棄義汎遁去亦雜亦得解圍十八  
日賊匪馬步四千餘人攔入丹境在日月山根草地盤伏分



往巴里觀等處搶掠劉肇瑞會同護鎮海協副將王昇確調  
兵勇於十九日合力兜擊大獲全勝殺賊三百餘名奪獲賊  
馬七十餘匹衣服器械無算奪獲洋礮八位洋槍十餘桿火  
藥白麵料豆四駄並將偽大帥余逆之子二名槍斃偽虎大  
人名白彥虎亦頭帶槍傷二處偽畢大帥腿帶槍傷一處我  
勇帶重傷者二十四名二十二日賊匪復率六千入仍由  
原路前來在日月山南臺一帶連紮賊壘十餘座該處離青  
海甚近是夜風大作天降大雪尺餘黑霧漫天昏不見人我  
軍乘霧進用槍礮喊擊該匪驚遁自相踐踏次日踏雪往探  
見該匪遺尸並自將承帳桿折燒燬火形迹等情又十二月

十六日據辦理營務處候補知府達昌稟報十三日管帶利  
建前營遊擊張鴻發管帶眾正營把總何得彪隨同護解餉  
銀赴碾行至蒲溝灣地方忽由灣後撲出騎馬賊三百餘人  
步賊一百餘人張鴻發督隊迎擊何得彪帶隊繞從山後包  
抄賊隊登時大亂殺斃騎馬賊目二名生擒二名奪獲騾馬  
九匹長矛十三桿又槍一桿張鴻發在前面槍傷馬賊數十  
名該匪兩面受敵大敗而逃正追殺間又突出伏路馬賊四  
五十名我軍分隊迎敵槍傷落馬者十餘名因前面有澗溝  
一道不能直冲鏖戰一時之久復傷數賊該匪遂向山後逃  
逸又十一年正月二十日據代理碾伯縣知縣童永基等會

報初七日有賊匪三四十騎由大硤竄出在距礮伯縣城十餘里之杏園達子灣一帶紛馳我軍會合出隊堵擊行至距城十里之紅崖頭地方正遇該匪前來總兵李大成督同衆正營將卒撲入賊隊冲擊賊勢不支倒戈退走我軍奮力追擊將到達子灣登杏園地方忽從空莊內及靠山深谷中擁出埋伏烏賊五百餘名圍撲我軍適各營隊伍相繼齊集前後交攻槍礮互擊自辰至午鏖戰多時該匪向後敗退我軍追及二里又見前面雨潤堡破莊內跳出赤身步賊二百餘名直撲而來前賊亦反轡相向總兵李大成委員溫懷璋激勵士卒向前力敵礮伯縣童永基飭催弁勇向賊勢堅厚處



放礮轟擊又值江宗弼揚應昌童振聲朵生彥等帶勇在左

右兩邊據高阜扼要之地喊聲助殺賊遂敗由大硤西口奪

路狂奔我軍乘勝掩殺約殺悍賊八九十名砍落賊手賊臂

及腹背受傷者甚多奪獲賊馬十匹洋槍八桿刀矛無算該

匪遁往大硤之河灘張其二寨窩伏查點我軍陣亡勇丁一

名受傷者三名初八日五鼓童永基等先令江宗弼揚應昌

帶領原撥勇民乘黑出城逕到達子灣夾山內埋伏又令童

振聲朵生彥等帶領原撥勇民乘黑出城先將沿河窄處冰

橋打破然後埋伏該處空莊內李大成溫懷璋仍同利建前

營眾正營原隊出城在達子灣一帶誘敵童永基帶領防勇

皇太后

皇上聖鑒訓示謹

奏

軍機大臣奉

旨覽奏均悉仍著分飭各軍隨時嚴密防勦毋稍鬆懈欽此

再奴才自同治九年四月二十三日遵奉

諭旨募立新軍陸續分防礮平並飭各處漢番團眾一體整頓  
助剿以來地逼河米老巢逆匪逐日窺伺竄突大小共經數

前營衆正營會合礮伯防勇門勇出隊夾擊傷斃賊匪甚多  
餘匪分路敗竄而去二月初十日據利建右營遊擊周興祿  
稟報該營護送車輛赴秦王川道經三間廟地方突遇賊匪  
麇聚殺斃馬夫二名搶去緊要公文等件正在披猖之際周  
興祿親帶馬步隊伍飛往沖擊該匪因見官兵驟至突出意  
外立時驚逃當經追殺翻越三道嶺頭賊匪四竄無蹤除得  
獲軍械馬匹等件外仍將各路限行緊要公文五百四十餘  
件概行奪回我勇陣亡一名受傷四名各等情前來除由奴  
才仍分飭各該官軍團勇加意嚴防扼擊外理合將屢次獲  
勝情形彙案由驛五百里馳陳伏祈

者查明酌保之處出自

逾格鴻慈奴才為鼓勵軍心起見是否有當理合附片瀝情具

奏伏祈

聖鑒訓示謹

奏

軍機大臣奉

旨著准其擇充保奏毋許冒濫欽此



十戰各將士等均能踴躍用命以少勝多迄歷數載從無貽  
悞疊經奏報在案查西碾本係邊瘴之區亂山榛莽雪窖冰  
天又因餉源涸竭軍用奇艱而在事員弁紳董耐勞耐苦或  
身先士卒冲鋒陷陣或督率堵扼夜伏晝防賊復如鬼如鼠  
沙晨雪夕投間抵隙每有少縱即逝之虞况官軍一經全神  
貫注長年周懈賊匪無隙可乘不敢公然肆突則用力愈多  
戰事轉少是防軍較征軍尤為喫力現時河州未平防剿正  
緊所有該防出力員弁紳董若不及時量加保獎竊恐日久  
生懈無以昭激勸而勵眾志可否籲懇

天恩俯念西路危局孤軍士卒久困准由奴才擇其尤為出力

等覆加逐細核汰擇其在事尤為出力者謹繕清單加具切實考語恭呈

御覽其請拔千把外委並請翎枝弁勇飭造花名清冊咨送兵部查核僅於清單後聲叙總數統祈

聖恩俯准分別給獎

飭部註冊俾資感奮除飭取各員弁紳民履歷另行咨部外所有遵

旨擇尤酌保緣由理合聯銜繕摺由驛馳奏伏祈

皇太后

皇上聖鑒訓示謹



為遵

旨擇尤酌保出力員弁紳團聯銜恭摺具奏仰祈

聖鑒事竊臣等於同治九年十二月初九日會銜具奏大股逆

匪突犯碾伯縣城經官軍迎剿大獲全勝一摺於十年二月

初四日奉准軍機大臣字寄同治十年正月初八日奉

上諭擊退撲犯碾伯賊匪在事出力各員准由左宗棠豫帥擇

尤保奏等因欽此遵

旨寄信前來欽遵之下當即轉飭代理碾伯縣知縣童永基管

帶利建中營參將李春海等確查各營出力員弁並地方出

力紳團開單去後茲據該員等查開銜名清摺請保前來臣

旨寄信前來 奴才 欽遵之下仰見

朝廷寬大法外施仁曲加保全之至意 奴才 伏查此案前因左宗棠大軍渡洮聲勢進逼兼之 奴才 各營並番土團勇聯絡截勦賊膽既寒窘困震恐屢次投遞稟求撫疊經 奴才 嚴切批飭交署西甯府知府馬桂源傳集曉諭該回衆似有覺悟之機其米拉溝亦復屢投懇稟是以 奴才 於去秋九月間輕騎赴左宗棠軍營密商辦法曾經奏報在案嗣後又因撫回陳霖等至境該衆愈加信服十二月馬桂源代稟懇恩並求調取來營面稟一切情形 奴才 遂商同左宗棠穆圖善將馬桂源調營細為察詢情節似尚可信當即會同左宗棠等

奏

軍機大臣奉

旨另有旨欽此

再同治十一年三月十五日奉准軍機大臣字寄同治十一年三月初二日奉

上諭西甯土客各回及陝回崔三等均各乞撫是否出自真心並著左宗棠撥圖善豫師督飭道員馮邦棟前往察看相機妥辦毋稍遷就等因欽此遵

雖屢次遞稟究未親身前來此次頭人竟敢坦然來營情詞  
哀切自應准交道員馮邦棟歸西甯撫案一併辦理其果能  
否遵從除俟有定局另由左宗棠會銜奏報外所有遵

旨會辦西甯撫案並米拉溝等處回目來營呈繳馬械情形理  
合先行附片密陳伏祈

聖鑒謹

奏

軍機大臣奉

旨另有旨欽此



酌議章程十二條並商由左宗棠派委道員馮邦棟馳往會  
同地方官妥為照章籌辦誠如

聖諭不可稍有遷就致貽後患三月十三日米拉溝回目冶成  
林馬如林冶成才馬玉西馬營回目馬伏林馬才果往上川  
口平番難回沙成馬中選往下川口蘭州難回海有伏等帶  
同散眾一百餘名攜運呈繳馬匹器械多件由響塘硤而出  
赴奴才軍營懇求撫事經何得彪堵擊傷斃三名察明情節  
當即放過十五日馬桂源帶領來營奴才面加察訊據該回  
目等供稱現聞西甯就撫河州亦辦投誠該回眾處居其中  
孤立難存是以情急危懼真心乞命等詞奴才查該回目前

營差用嗣復分派督同各營剿賊均能奮勇當先親冒矢石  
不避危險疊次著有戰功合無籲懇

天恩准將已革湖北即用知州雲夢縣知縣玉昌開復升階原  
官留甘以知縣補用已革花翎運同銜甘肅肅州直隸州知  
州李德輿開復原銜原官並

賚還翎枝仍歸甘肅原省補用再該二員現在効力窮邊異常  
艱窘並懇

恩准免繳捐復銀兩出自

逾格鴻慈謹附片具奏伏祈

聖鑒訓示謹

再查已革湖北即用知州雲夢縣知縣玉昌已革花翎運同  
銜甘肅肅州直隸州知州李德輿二員先後來奴才軍營投  
効詢據玉昌稟稱係前在雲夢縣任內經前兼署湖北撫臣  
李鴻章以該員縱容差保辦案草率於同治八年六月奏參  
革職詢據李德輿稟稱係前在署張掖縣任內經前署陝甘  
督臣穆圖善以張掖縣渠民聚眾滋事一案該員會營酌帶  
兵勇出城彈壓辦理失宜於同治九年四月奏參革職各在  
案該二員以甘肅現值軍務孔殷自顧年力正強不甘廢棄  
懇請隨營効力維時奴才正立新軍進紮西碾在省員弁人  
人視為畏途差遣實屬乏員察看該員等人俱撲實當即留

軍亦有傷亡且逆踪飄忽靡常北山與甘省毗連處所逼近  
邊牆草地游匪時虞竄越即著邵亨豫督飭延榆綏鎮道將  
北山一帶防務實力籌辦並著嚴飭譚仁芳管帶所部剋日  
拔赴延安一帶相機防剿勿稍鬆懈勇隊之不得力而擾民  
者迅即妥為裁撤騰出經費調募得力勇營以資鎮撫延榆  
各屬本係地瘠民貧亟應檄飭該管道道府督率牧令招撫流  
亡廣為開墾州縣優劣即於是分毋得有名無實至回逆投  
誠一節疊諭左宗棠察度妥辦茲據邵亨豫奏探聞河州西  
甯回目先後乞撫呈繳馬械甚多回酋馬占鰲等四人各質  
其子峽回崔三禹得彥等自肅州敗竄亦赴西甯投誠惟狗



奏

軍機大臣奉

旨吏部議奏欽此

軍機大臣 字寄

欽差大臣陝甘總督一等恪靖伯左 甯夏將軍穆 署陝西

巡撫邵 西甯辦事大臣豫 同治十一年四月初三日奉

上諭邵亨豫奏陝邊近日防剿情形並探聞甘省軍情一摺安  
邊定邊地方均有賊騎數百擾及雖經官軍擊敗遁竄唯我

軍機大臣 字寄

欽差大臣陝甘總督一等恪靖伯左 西甯辦事大臣豫 同

治十一年四月初六日奉

上諭豫師奏辦理西甯等處撫案情形等語西甯回匪及陝回  
崔三等乞撫業經左宗棠等酌議章程派道員馮邦棟前往  
籌辦現在米拉溝等處回目冶成林等復帶同黨眾赴豫師  
軍營呈繳馬匹器械已交馮邦棟一併辦理該回眾等情急  
乞命雖似可信惟向來撫賊之法難於剿賊非辦理盡善必  
貽後患左宗棠豫師務當懍遵疊次諭旨督飭馮邦棟體察  
情形妥慎籌辦不得稍涉大意俟辦有端緒即行據實奏聞

齒牙一股不肯歸降現取竄慶涇交界之驛馬關等詔回族  
衆多原無盡剿之理惟性情反覆無常時虞挾詐不可不防  
仍著左宗棠豫帥體察情形妥慎辦理近日撫局有無端緒  
如何辦法並著隨時詳細奏聞前敵後路仍應加意嚴防慎  
毋為賊所乘其狗齒牙一股著左宗棠穆圖善飭令雷正綰  
等督軍痛剿迅殲醜類慶涇接壤陝省邵亨豫尤當嚴飭在  
防各軍實力堵禦勿任竄越將此由五百里各諭令知之欽  
此遵

旨寄信前來

青海奏議 卷五 三  
恩准擇保歷年防剿疊著戰功出力員弁紳董一片四月十三

日奉到

批迴軍機大臣奉

旨著准其擇尤保奏毋許冒濫欽此欽遵之下仰見

聖主塵念西陲艱局激勵軍心之至意奴才遵飭營務處將各  
防營實在出力員弁紳董查明開報去後茲據辦理營務處  
知府達昌開具詳冊請保前來奴才悉心核汰擇尤謹繕清  
單加具切實考語恭呈

御覽其請按千把外委並請翎枝弁勇飭造花名清冊咨送兵  
部查核僅於清單後聲叙總數統析



將此由五百里各諭令知之欽此遵

旨寄信前來

為遵

旨擇尤酌保懇

恩俯准鼓勵恭摺仰祈

聖鑒事竊奴才於本年三月初六日奏懇

再同治十一年四月十八日承准軍機大臣字寄同治十一年四月初三日奉

上諭茲據邵亨豫奏探聞河州西甯回目先後乞撫呈繳馬械甚多回酋馬占鼇等四人各質其子陝回崔三高得彥等自肅州敗竄亦赴西甯投誠惟狗彘牙一股不肯歸降現敗竄慶涇交界之驛馬關等語回族衆多原無盡剿之理惟性情反覆無常時虞挾詐不可不防仍著左宗棠豫帥體察情形妥慎辦理近日撫局有無端緒如何辦法並著隨時詳細奏聞前敵後路仍應加意嚴防慎毋為賊所乘等因將此由五百里各諭令知之欽此遵

聖恩俯准分別給獎

飭部註冊俾益感奮除飭取各員弁紳董履歷另行咨部外所  
有遵

旨擇尤酌保緣由理合繕摺由驛馳奏伏祈

皇太后

皇上聖鑒訓示謹

奏

軍機大臣奉

旨另有旨欽此

繳四月初六日馮邦棟由平番進抵礮台次日即據住川口  
之陝回宋全德呈送尸首花名百餘名到礮經馮邦棟飭令  
仍回川口將馬匹槍械及男婦大小尸口冊籍逐細分造呈  
繳點驗初九日由軍功馬振鳳帶到西山一帶窩伏之于海  
潮馬意思兜宋全德等十人初十日又由軍功馬化鳳楊春  
泰帶到陝回崔三夥內之馬世魁高得彥夥內之高召林鄒  
寶和夥內之馬占鼇等共二十餘人均經訊明後仍令各回  
原處聽候查辦等情先後據馮邦棟呈報前來奴才遵當隨  
時會商左宗棠督飭馮邦棟妥慎踏實辦理不敢稍涉遷就  
致貽後患現時撫局未定回性多詐誠恐各營因聞就撫一



旨寄信前來奴才跪讀之下仰見

聖明洞照無微不至意奴才伏查此案前經會商左宗棠  
派委道員馮邦棟辦理西甯撫案並米拉溝等處回目來營  
求撫呈繳馬械情形已於三月十八日附片密陳在案十九  
日道員馮邦棟由省來平甯即飭將米拉溝西馬營暨往上  
下川口回目冶成林等九名切實察訊情形妥為照章辦理  
毋稍遷就旋據該道面稟於次日傳到回目等甯諭以首先  
繳盡馬械次第照章實力奉行等語該回目等泣拜懍遵反  
覆研究情詞尚屬真誠即時在平繳馬五十九匹槍五十八  
桿矛三十四根其餘懇求俟馮邦棟到碾相後就近陸續呈

軍機大臣 字寄

欽差大臣陝甘總督一等恪靖伯左 西甯辦事大臣豫 同

治十一年五月十三日奉

上諭豫師奏現籌辦理陝回就撫情形等語道員馮邦棟由平  
番進抵碾伯陸續將陝回宋全德等呈繳馬匹槍械戶口冊  
籍分別點驗其軍功烏振鳳等帶到回夥于海潮馬世魁烏  
召林等均經飭回原處聽候查辦著豫師隨時會商左宗棠  
督飭馮邦棟妥實辦理不得稍涉遷就致貽後患回情狡詐  
誠恐各營因辦撫或形疏懈轉為該逆所乘左宗棠務當懍  
遵疊次諭旨體察情形將河州西甯各回撫局妥慎籌辦並

事稍有疏懈致為所乘已疊次嚴飭管團員弁紳董格外晝  
夜加勁嚴防毋得稍事大意總之此局必須軍威嚴重布置  
穩固使知我軍足以致其死命無所施其奸計然後撫事自  
能俯首就我範圍也除俟辦理有緒另由左宗棠會銜奏報  
外理合將現在情形先行由驛五百里附片覆陳伏祈

聖鑒謹

奏

軍機大臣奉

旨另有旨欽此





嚴飭前敵後路各軍加意防範毋稍大意迎日辦理情形並  
著隨時詳悉具奏將此由五百里各諭令知之欽此遵

旨寄信前來

家臺山路險陡離腹地寫迹若多隊聲張必致驚竄無及隊  
少又慮為其所截因密飭利達右營參將周興祿選帶本部  
耐戰勁勇衆糧捲旂潛往抄襲以期聚殲去後茲據該參將  
周興祿稟報遵於五月二十三日五鼓時選帶得力弁勇潛  
往兜擊及至逼近巴家臺山頭望見賊莊炊煙造飯我軍登  
時撲下該匪驚覺村口突出悍賊甚夥先來拒敵我軍一面  
猛攻一面分軍由莊後夾擊賊衆擁擠夾巷不能突出鏖戰  
兩時之久始行殺入莊內守備劉定國首先將蘇偽大帥即  
蘇家西兜擒獲賊衆大胤同時共擒黨目一十八名其餘悉  
皆殲斃僅有賊黨七名於酣戰時乘間翻牆滾溝逃逸當將

青海奏疏

為搜平巴家臺賊巢生擒首逆情形恭摺聯銜馳奏仰祈  
聖鑒事竊平番紅城上下一帶亂山叢沓勢極遼闊迤有各處  
逃來零匪糾聚窩伏不時分竄滋擾經奴才豫帥督飭各營  
隨時追剿疊有斬擒惟該匪恃其山險荒絕官軍不能深入  
投間擾突士卒奔波迄無休息臣等函商非嚴飭各營密探  
賊眾窩伏處所絕其根株不足以清逋逃淵藪嗣經探得紅  
城後山七十里之巴家臺地方有蘇家西兜即蘇偽大帥嘯  
聚各處不願投誠悍賊據為窩巢百十成群四出剽掠等情  
當將擒獲之賊匪李郭五兜研究情詞相同奴才豫帥查巴

皇太后

皇上聖鑒訓示謹

奏

軍機大臣奉

旨另有旨欽此

再奴才豫師所部孤軍深入地處窮荒密邇賊巢無術羅掘  
所有一切糧餉軍裝以及委員確提轉運腳價薪水皆賴山  
東河南兩淮三省月撥專餉二萬五千兩顧濟自同治九年



賊巢掃蕩盡淨其馬匹器械盡行奪獲查點我勇受傷甚重者僅止六名等情前來臣等覆查巴家臺窩伏蘇逆一股雖係糾聚逃匪若不及時掃蕩必致久成巨患此次周興祿冒險誓衆深入賊窩登時翦除實屬奮勉出力可否請

旨將花翎參將周興祿以副將儘先補用生擒賊首之儘先守備劉定國請以都司儘先補用並

賞加遊擊銜以示鼓勵之處出自

逾格鴻慈此外另行有無賊巢除仍嚴行分飭尋探搜剿以靖狂氛外所有搜剿巴家臺匪巢並擒獲賊首緣由理合聯銜繕摺由驛五百里馳奏伏祈

辦理雖有頭緒而撫局未定竄匪正熾設有潰變前功盡棄  
在奴才罪無可逭其如大局何勢處萬不得已查前奉戶部  
咨行遵

旨議定章程內開嗣後各省應解奴才月餉如再推延即由奴  
才指名嚴參以儆玩弛等因現時奴才已忍待兩年有餘若  
再避嫌遠怨問心轉無以自明惟有據實分別請

旨將玩誤寘軍專餉報解不及二成之河南藩司劉齊銜先行  
交部議處以示薄懲其解餉至二三成以上者請暫免議應  
一併籲懇

天恩飭下山東河南兩淮督臣撫臣嚴飭藩運司無論如何為

四月奉撥以後各省報解之款為數寥寥軍用異常艱絀是以奴才前於同治十年正月二十一日曾將危迫情形奏懇天恩飭下各省督撫嚴催藩運各司掃數迅解已奉

俞旨嚴催在案嗣又經部臣按月據西征糧臺月報分行催解案如鱗積奴才竊謂餉源可望起色極力撫循士卒日盼餉到救濟萬分急切乃各省月撥專餉截至本年四月底止共計兩年有餘除西征糧臺先後極力挪墊銀五萬一千兩不計外各省共欠至四十七萬兩之多而本年自正月起扣至目下已半年之久僅有兩淮報解銀六千兩似此情形大局何可措置奴才查自古軍無強弱以糧餉為強弱現在地方

軍機大臣 字寄

欽差大臣陝甘總督一等恪靖伯左 甯夏將軍穆 西甯辦

事大臣豫 周治十一年六月二十八日奉

上諭左宗棠等奏搜剿巴家臺賊巢生擒匪首一摺匪首蘇家  
西兒糾聚逃匪窩伏平番紅城後山之巴家臺恃險負隅經  
豫帥函商左宗棠穆圖善密派兵勇前往剿捕參將周興祿  
率眾攻破賊巢守備劉定國將蘇家西兒擒獲餘賊亦皆殲  
斃即著該大臣等督飭各軍將在逃匪黨悉數搜捕此外有  
無賊巢仍飭隨時探剿盡絕根株參將周興祿著以副將儘  
先補用守備劉定國著以都司儘先補用並賞加遊擊銜以



示鼓勵河州等處軍情及現辦撫事有無頭緒並著左宗棠  
恪遵前旨將詳細情形據實具奏將此由五百里各諭令知  
之欽此遵

旨寄信前來

為遵

旨續報西碾撫事及駐威官軍擊賊獲勝情形恭摺馳陳仰祈

聖鑒事竊查西甯土客各回均皆乞撫前經奴才會商左宗棠  
派委道員馮邦棟察看辦理曾將情形隨時奏報在案嗣據  
馮邦棟報稱陝回登米拉溝西馬營回衆陸續共繳馬三百  
六十六匹鎗矛一千二百九十二件其中良莠不齊尚有觀  
望不決者兼有暗行出擾情事甯回已共繳馬一千二百三  
十二匹鎗矛一千零八十五件近頗安分其投誠之心似無  
更變等語旋准左宗棠咨會派令記名提督何作霖分統老  
湘及董宇等馬步八營赴碾相機進剿昨於七月初三日由  
平番開赴碾伯續派三品卿銜總統老湘營劉錦棠統帶八  
營隨後繼之西碾得此兵力厚集分別剿辦則遑事自易了

結奴才仍當隨時商同左宗棠督飭妥慎踏實辦理斷不敢  
稍任遷就致貽後患又據駐紮威遠堡之管帶靖西營總兵  
黃武賢報稱七月初一日有陝匪馬步三四百名突至威遠  
東哈拉直溝四十里之新添堡一帶搶掠經黃武賢聞報立  
派馬步隊伍分途馳往四面包抄並親督隊追擊大獲全勝  
斬殺悍賊一百餘名奪獲馬械旂幟甚多餘匪大敗四竄回  
巢等情除仍分飭各軍整隊加勁嚴防外所有西甯撫事並  
防軍獲勝各緣由理合繕摺由驛五百里馳陳伏祈

皇太后

皇上聖鑒謹

奏

軍機大臣奉

旨另有旨欽此

再奴才軍營餉源枯竭萬分窘迫情形於本年六月十一日  
據實附片奏陳分別請

旨飭催在案唯查各省月撥西甯專 奴才前於甫立新軍時

曾經奏請

飭下歸由西征糧臺表保恆催提轉解遇有各省解款遲延由



袁保恆籌墊接濟得蒙

俞允歷經遵辦滿擬可資周轉詎自奉撥以來兩年有餘雖經  
西征糧臺先後墊解過銀數萬兩爭奈各省積欠竟至七八  
成之多實屬杯水車薪無濟於事奴才昨因購辦新糧散放  
欠餉在在需款急切派員馳赴左宗棠軍營請籌鉅款撥濟  
經左宗棠顧全大局於無可騰挪之中籌撥銀五千兩交原  
派去委員領解回營詢據該委員面稱左宗棠軍餉實亦萬  
分支絀無可籌墊等情奴才伏查甯軍需餉萬緊若徒掣動  
西征軍餉不但無補奴才軍用而有墊無還轉致拖累楚軍  
且各省轉以奴才月餉有人代墊視為不急之需相習推延

似此情形若不稍為變通於事斷難有濟奴才籌計再三惟  
有由奴才專派委員分往山東河南兩淮三省坐催其各省  
解餉以及按月報部事務仍請

飭諭西征糧臺袁保恆督飭各員照舊辦理以期呼應較靈至  
各省餉款到陝奴才另行派員在陝設立西甯運局兌收轉  
解無庸再動楚餉墊濟以免各省藉口而清眉目將後亦易  
報銷奴才除已分別咨照並派員辦理外理合附片奏陳伏  
祈

聖鑒訓示再奴才因軍用無措於六月二十日因與穆圖善赴  
紅城苦水一帶會同採辦軍糧就近至蘭州傳商克借銀二

萬藉資敷衍於七月初六日旋營合併聲明謹

奏

軍機大臣奉

旨另有旨欽此

軍機大臣 字寄

西甯辦事大臣豫 傳諭詹事府少詹事袁保恆同治十一年八月初五日奉

上諭豫帥奏辦理西甯撫局並擊賊獲勝情形一摺陝回疊米

拉溝西馬營回衆雖呈繳馬匹器械其中尚有觀望不決暗  
行出擾情事西甯回衆所繳馬匹較多據豫師奏稱迎頗安  
分仍當防其更變未可稍涉疏虞現在左宗棠已派提督何  
作霖等分統十六營赴湟兵力厚集豫師當隨時會同該提  
督等將反側逆回痛加剿洗其真心悔罪者方准投誠斷不  
可一為懇請飭部補鑄青海蒙古臺吉印信以昭信守恭摺

仰祈

聖鑒事竊查接管案卷前任辦事大臣玉通任內曾據青海左  
右翼正副盟長貝勒綱增卻克多布郡王集克默特納木札  
勒多爾吉並已故臺吉端多布納木札勒家屬暨本旗和碩



章京索混等報稱同治七年閏四月十一日西甯回衆撲犯丹噶爾廳城後旋即竄攻達倉寺該寺寡不敵衆遂致失陷經堂僧舍概被焚燒牲畜器物擄掠一空殺斃法臺僧人二十名其近寺住牧已故臺吉永隆旂蒙古二十餘戶所牧牲畜以及鍋帳冊案全被焚掠殺斃蒙古男婦三人守屋僧人一名又已故臺吉噶拉布札納木楚克寄存寺內

誥命一軸亦被焚燬又青海右翼已故札薩克臺吉端多布納木札勒之長子預保三等臺吉車旺楞錦早先因見地方不靖將伊故父札薩克臺吉印信一顆存放寺中親自看守當該寺被賊圍攻之時該車旺楞錦曾將印信藏諸懷中旋因

該寺失陷被執立遭殺害即將懷藏印信搜去各等情彼時  
前任辦事大臣玉通正在辦理漢回撫務未能剿辦曾經分  
飭西甯鎮道轉飭地方文武查拿賊匪訪印信並未據報  
弋獲印信亦無下落茲復據該寺法臺僧衆報同前情並據  
已故臺吉端多布納木扎勒該管盟長郡王集克默特納木  
札勒多爾吉貝勒拉旺多布吉聯名呈懇

奏請補行頒發該札薩克臺吉印信以資辦理祈務前來奴  
才伏查此案達倉寺在丹噶爾廳城迤西卡外前被回匪攻  
陷係因衆寡不敵其已故臺吉端多布納木扎勒印信既因  
車旺楞錦被害所失非尋常竊盜可比奴才復加詳覈屬實

委無擅飾情事且該臺吉因病出缺在先而伊子已因看守  
印信遇害應請照例免議除該已故臺吉遺職照例咨部承  
襲外所有該青海右翼蒙古札薩克臺吉印信理合恭摺奏  
懇

天恩飭部鑄造頒發俾昭信守伏祈

皇太后

皇上聖鑒謹

奏

軍機大臣奉

旨禮部知道欽此

再奴才前因軍營差遣乏員查有奉差來甘之四川試用知

府德蔭甘肅升用知府達昌二員曾經接見人俱妥實當於

同治十年正月二十日七月十四日先後咨行四川陝甘督

臣飭歸奴才軍營差遣嗣該員等奉文先後就道到營奴才

遂經咨明吏部查核在案茲於本年七月十七日接准吏部

咨覆內稱各省候補委用試用人員如有辦理軍務大臣調

營差委者例應由該大臣奏明辦理等語前來又現任廣西

安平土州州判徐光興奴才因前辦甘南糧臺差委得力於



同治十年十一月初三日咨行廣西撫臣調營差遣嗣於本年六月十四日接准廣西撫臣覆准在案查與前案事同一律理合循例一併附片奏明伏祈

聖鑒謹

奏

軍機大臣奉

旨吏部知道欽此

再奴才前於本年三月十八日會同陝甘督臣左宗棠遵

旨奏保剿匪出力員弁紳團一摺於同治十一年四月初六日

欽奉

上諭恩准給獎在案嗣於五月二十七日接准吏部抄單咨行  
前案奏請以訓導歸部選用並加五品銜之五品軍功文生  
溫懷璋奏請以訓導歸部選用之五品軍功生員陰鶴鳴六  
品軍功訓導銜文生汪有銘文生郭拱辰張振聲楊國鈞查  
照章程增生附生無論何項勞績只准保舉佐雜不准保舉  
教職應令另核請獎其溫懷璋所請加五品銜應一併另核  
請獎於同治十一年四月二十五日具奏奉

旨依議欽此等因前來查溫懷璋陰鶴鳴等六員所著戰功勞績奴才等前於原保清單內曾經出具切實考語茲准前因奴才等遵照部議覆加細心查核溫懷璋請改以從九品歸部儘先選用並

賞戴藍翎陰鶴鳴汪有銘郭拱辰張振聲楊國鈞五員均請改以從九品歸部選用所有遵照部文另核請獎緣由理合會同督臣左宗棠合詞附片奏懇

天恩俯准核獎俾資感奮伏祈

聖鑒訓示謹

奏

軍機大臣奉

旨吏部議奏欽此

為詳陳西甯剿匪捷狀並續獲大捷攻破小峽口堅壘數十  
座迺薄西甯府城立解重圍現籌辦情形恭摺馳陳伏祈  
聖鑒事竊照統領湘軍道員劉錦棠八月二十四日至九月初  
四日西甯剿匪獲勝並初六日踏破觀音堂賊壘大畧情形



已於九月十九日附片具陳並聲明詳細情形容俟續報八  
月二十四日馬步賊數千分為二股一循山而下直撲西營  
子都司李雙梁防營一出彥才溝阻截前路各營劉錦棠率  
游擊熊隆名都司董福祥副將陳宗蕃分道往擊遙見撲營  
之賊五六百而山谷溝坎伏賊甚多劉錦棠麾軍急進李雙  
梁亦出壘夾攻先將撲營之賊擊敗原上之賊殲砌礮臺憑  
高下擊提督譚和義蘇大德羅照陞陳啟明副將陶鼎全各  
率馬步由平戎驛馳至賊之出彥才溝者知勢不敵縮退溝  
內熊隆名乘勢壓追譚和義等鼓銳登山立殲悍賊多名賊  
乃大潰逐北越嶺斃賊百餘名是夜馬步隊分伏彥才溝口

俟賊出擊之賊知有伏不出二十五日羊角灣賊數千列隊  
小峽口各山頭千餘賊由三十里鋪撲提督譚上連營壘提  
督何作霖余虎恩出隊援之譚上連亦憑壘力擊礮石雨注  
賊負創遁劉錦棠聞報密調後路馬步合紮三十里鋪各營  
並於營邊修砌礮臺安放後膛開花車輪大礮以待二十六  
日賊匿不出而涅北峽回營內驟馬千餘出壘放草副將節  
增以車輪大礮測準向人馬聚處轟之連開三十餘礮礮子  
半飛入賊壘半落入馬叢中賊棄壘越山而逃是夜涅北收  
屍之賊紛呶撤旦斃賊蓋不知其數也二十七日各營仍依  
山設伏午間賊由山頂迤邐而下熊隆名以馬隊誘之賊見

隊少擁撲而下鄧增仍連施大礮何作霖等分隊擊之賊大  
潰追迫賊卡而返旋據西營防營李雙梁報稱是日馬步賊  
千餘撲迫營壘李雙梁憑牆力禦有悍賊揮大刀逕撲營壕  
為官軍洋鎗擊倒羣賊以矛捍身之而逸復獲生賊詢之蓋  
即白彥虎也二十八日各營仍於三十里鋪設伏賊僅以數  
百人散匿山谷官軍亦以零隊擊之賊遁劉錦棠以羊角灣  
之賊知我有備料不復出而高疆溝緊逼平戎為白彥虎畢  
大才之黨所據倚觀音堂紅水泉為固必誘出創之遂抽隊  
夜抵彥才溝口二十九日見馬賊百餘馳騁溝中大股繼出  
陳宗蕃佯作敗狀誘其深入賊噪而前伏隊四起賊駭而奔

追殺十餘里賊屍枕藉遙見駱駝堡賊卡十餘座劉錦棠揮  
軍緊追賊不及入卡守卡者亦相隨狂竄時已黃昏即就賊  
壘分軍駐之凌晨檢視賊屍計五百餘具刀矛鎗礮則拾不  
勝拾矣生擒土回領隊馬仲拱構白彥虎二十七日出隊為  
礮子洞穿左乳又西甯首逆烏桂源之弟烏真源亦為礮子  
洞穿右肋撒拉回目多拜為官軍擒斬此八月二十四日至  
九月初四日以前剿賊連獲大勝之實在情形也該逆疊經  
痛剿仍恃衆穩抗並分股繞出沙溝一帶伺劫糧運時督帶  
綏定營候補直隸州知州龍錫慶駐大峽口初五日率所部  
三百人尋探賊蹤南抵郭爾堡即遇逆股四五百蜂擁接戰



龍錫慶擊敗之追抵沙溝乘勝破賊壘一座守賊殲馬餘三  
座驚竄官軍入堡傳餐忽有大股驟至逼堡環攻龍錫慶力  
守達曙亡傷弁丁七十餘人仍整隊旋營叅將高士立督戰  
不力龍錫慶斬之軍前以徇劉錦棠聞龍錫慶深入被圍初  
六日黎明飛調馬步向觀音堂溝赴援入溝十里許道旁有  
賊堡七座馬隊先至堡賊紛紛出拒比步隊至奮威衝殺賊  
棄巢奔立焚其巢躡追八九里大堡中出馬步賊千餘另股  
由兩山旁抄出劉錦棠分軍力戰三時之久賊均敗潰適龍  
錫慶亦已旋營遂收隊還初八日小峽之賊以大股出撲營  
壘另股由左面山溝抄出劉錦棠飭譚上連等列隊壘前飭

鄧增以大礮向擊賊譚濟不復成列馬步跟蹤馳追山溝之  
賊從旁衝出陶鼎金等下馬持矛攢刺何作霖等分路抄之  
賊不能支追越山巔斃賊三四百名初九日賊大股趨北岸  
鄧增以大礮擊散其南岸賊千餘排列山頂各營以鎗礮仰  
擊旋亦敗遁初十日副將譚慎典率親軍馬隊赴碾甸迎糧  
過平戎驛忽馬賊二百餘擁至譚慎典分其隊之半護糧一  
半接仗行近高店堡都司張俊從堡中躍出賊紛竄十二三  
兩日劉錦棠抽隊赴平戎驛修橋並渡渥至紅崖之溝築壘  
以通威遠堡糧路威遠之馬圈口班家灣等處時有回逆出  
擾疊經統帶靖西三營提督西甯鎮總兵黃武賢搜剿頗有

斬馘十四日平戎橋工將竣有百餘馬賊從觀音堂溝彥才溝鼓噪而來劉錦棠飭陳啟明陶鼎金率馬隊衝擊南山復有大股賊至綿亘二十里陳啟明等以衆寡懸絕收隊憑壘施放鎗礮劉錦棠飛令各軍渡澗而南賊趁官軍半渡四面猛撲適譚和義蘇大德齊至士卒直前奮擊斃賊多名熊隆名董福祥時在烏營灣聞平戎驛礮聲甚緊疾馳而來提督席大成尹興茂等亦至張兩翼分抄羅照陞陳啟明等乘機猛進賊大敗官軍合圍兜追斬馘二百餘名生擒十名十五夜賊乘雪於李雙梁營壘西三里山巔聯築七卡大股分紮隔截前敵各營十六日劉錦棠前往察看馬賊擾至平戎驛

步賊排列護卡約近萬人劉錦棠飭李雙梁堅守勿出飛率  
各營渡橋直上馬賊向前抗拒官軍鎗礮齊發立斃多人官  
軍猛追抵馬營灣對岸劉錦棠令蘇大德等築壘羅照陞等  
列隊以待賊忽大至馳下平川適何作霖席大成尹興茂等  
馳至鄧增亦護大礮前來連開數礮賊稍卻各軍分左右力  
戰殲敵無數賊縮返壘中官軍逼攻壘中礮石紛飛官軍傷  
亡不少劉錦棠令勿撤隊是夜風雪嚴寒裂膚刺骨軍士露  
立賊壘之外無一懈者十七日黎明劉錦棠由北岸亂流而  
渡令鄧增向山頂轟三十餘礮斃賊甚多大股走匿山凹劉  
錦棠以堅壘驟難蕩平乃整旅折赴馬營灣河灘上下令董



福祥連夜添造木橋二十日抽撥三營渡湟築壘令譚上連  
何作霖等分扼湟南北以扼賊衝部署甫定賊果率大股下  
山意圖阻官軍工作何作霖等分途盪決斃賊數十名賊敗  
上山梁少頃復率數百騎由北岸山溝衝近河邊劉錦棠飭  
各軍迎剿一面令鄧增以大礮隔河轟之賊大敗而逸陶鼎  
金等飛馬截之斬馘多名生擒一名二十二三兩日賊時以  
零騎分擾南北而於紅莊子對岸聯紮數壘蓋防官軍由北  
岸進攻也劉錦棠佯若不知日夜督修橋壘並於橋兩旁築  
礮臺護之二十四五六等日陸續派隊往碾伯接糧並增修  
卡壘零賊時出阻擾多被擒斬二十八日五鼓大股撲近新

築之卡白彥虎畢大才之黨約土回由馬營灣山下平川渡  
湟兩股將合約七八千人劉錦棠分軍渡湟猛撲之賊惶懼  
縮退其鬼水不及者董福祥等悉斬之賊回撲席大成營壘  
董福祥等由左路馳至夾擊賊仍敗遁湟南賊見北岸賊敗  
渡水來援尹興茂等折回夾擊賊翻山而竄是日步賊千餘  
至小峽分股伏溝中昇大鐵礮攻何作霖之營礮子墜入壘  
中者約重二觔餘何作霖率隊從壘牆躍出擊散賊衆並奪  
其礮二十九日劉錦棠令於北岸山上修築一營十月初一  
日又於新營西五六里增修一營為進逼計兩日有馬步賊  
來擾均擊敗初二日小峽口賊千餘來撲營壘譚上連等擊

斬數十生擒三名訊據供稱是日陝回往北川攻民寨掠食  
劉錦棠令各營分左右捲旂疾趨奪高寨之險高寨前一小  
卡守賊數十人見官軍突至棄卡逃入高寨高寨守賊約三  
千餘列械出拒官軍馬步齊進銳不可當忽隔河開花大礮  
子飛墮賊叢中賊益恟懼驀山滾澗而逃官軍譟噪乘之力  
斫矛刺賊屍枕藉高寨一帶十餘卡壘一氣踏平比小峽大  
隊馬賊來援亦經鄧增以大礮擊退擒斬二百餘奪獲馬械  
極多據擒賊趙起大於積屍中指認回目蘇九和一名並供  
此股陝回最多是夜官軍即紮於此又增修一壘初三日臣  
宗棠所調前往助剿之提督劉明燈及副將滕春山等至高

寨與劉錦棠晤商劉明燈所部馬步六營從七里鋪延紮至  
彥才溝替出劉錦棠所部左右翼兩營及綏定兩營以便滾  
移進取又增修三壘賊見官軍連日於高寨增壘意南岸必  
虛初五日大股由小峽出撲官軍迄未得逞官軍亦未窮追  
是夜又於八旗壘左山頭增修一卡阻賊包抄之路初六日  
又於四旗壘西增修兩卡初七日賊大股圍撲新修之卡官  
軍以連夜未眠僅以鎗石火箭火蛋禦之賊見官軍不出各  
持馬刀紛入濠溝何作霖譚上連等分兩路挺矛直出立斬  
悍賊三十餘名賊稍退適鄧增運大礮至對路狹賊多處連  
發十餘礮賊乃敗潰初八日分軍扼小峽正路及西南兩路



另派隊上山增修一卡賊紛至官軍擊卻之一股兇悍異常  
愈擊愈進何作霖憤甚大呼陷陣縱軍衝殺縱橫盪決賊不  
能支始紛紛敗潰初九日黎明賊大股由三十里鋪竄至官  
軍按隊不動候賊漸逼營前乃分左右出擊賊屢卻屢前官  
軍奮威衝殺立斬悍賊二十餘名乘勢壓剿斬馘遂多此九  
月初五至十月初九滾營進逼連獲大捷攻克各要隘之實  
在情形也劉錦棠以南岸難攻遂於是夜潛師夜起改率各  
營由馬營灣過橋至高寨會襲小峽賊壘分前左右三路衝  
枚馳迤北岸賊壘賊始驚覺官軍已蜂擁而上次第奪山麓  
三壘拔幟立幟正追逐間忽小峽內塵沙蔽日賊約萬人由

山頭及中路奔來官軍整隊迎擊殪賊數十左翼一營列隊  
左山顛賊力爭此地自辰至申血戰不少卻譚和義等皆身  
被數創仍裹創立戰大呼突陣賊皆辟易紛紛敗退是日澶  
南一股撲近官營並以鎗橫擊澶北官軍經何作霖等擊斃  
多名是夜劉錦棠令各營急運磚石增修廢壘並於山頭添  
修一壘扼之十一日賊於對山亦築數壘十二日偵賊大股  
匿峽中守壘之賊堅壁不出劉錦棠懸重賞挑選壯士攻南  
山各卡其北山四壘分各軍攻其三劉錦棠親率各營隨後  
策應夜近賊壘乘賊未覺火器紛飛著處即然賊驚起拒戰  
而壯士已從壕中躍起以肩為梯攀壘騰上矣須臾三壘均

破南山賊卡亦同時攻克各卡壘賊約近千人無漏逸者官  
軍即夜分填所奪三壘駐之十三日賊大股來犯劉錦棠飭  
三壘各以一營守壘餘列長陣護之羅照陞陳宗蕃李雙梁  
等率所部奮擊斃賊多名立將所破賊壘修築完好護糧入  
壘並接修運礮車大道十七日署西甯道郭襄之遣人絕城  
來告被圍兩月城中糧食將盡十四夜五鼓賊乘梯襲城雖  
經擊退然勢甚危迫乞速應援適馬桂源稟請官軍暫退礮  
怕即誠心就撫又撤拉八工回目昂貨奴勒等亦具稟代西  
甯土回乞撫劉錦棠知其意在緩兵十八日黎明飭余虎恩  
席大成護五十里鋪各壘自率各營護大礮上北岸山頂正

在分撥之際賊忽分三股一由小峽口南山一由馬營灣下  
逕犯官營妄意乘南岸之虛具大股則向北山急進劉錦棠  
以南岸各卡修繕完固力足制賊令鄧增測準北山賊壘開  
大礮轟擊令譚和義護之一面分飭兩路攻左右賊壘一路  
擊正中入股一路策應兩時發大礮子六十餘賊三壘皆垣  
皆坍塌匿溝中劉錦棠麾各路猛進陣斬悍賊二三百名賊  
大潰官軍躡蹤緊追連破北山西向卡壘十餘座乘勝壓下  
山梁賊棄山麓各壘而逃一由湟北竄韻家口一由兒水渡湟  
南當將峽內羊角灣羅家灣二十里鋪十里鋪一帶卡壘悉  
數踏平其南岸之賊見官軍自北而南截其歸路竄走南山



之南余虎恩席大成追之破其山上卡壘十餘座越山至羊  
角灣會隊其竄韻家口一帶者見董福祥羅照墜等引軍突  
至均棄寨向西竄而逃薄暮劉錦棠飭各營歸隊分紮兩岸  
賊壘一向整修濠牆防賊回撲夜分賊數十復拚命來犯官  
軍結隊衝擊賊屍徧野仍即敗遁十九日黎明瞭見西竄附  
城各莊寨火起劉錦棠飛調馬步迅進比抵東關逆首馬本  
源馬桂源等已同各土回頭目於先夕三鼓各挈逆眷向東  
川竄走殿後馬賊數百被陶生林等追擊四散向南川而遁  
計連日斃賊約共三四千人馬騾軍械遺棄滿路署西甯道  
郭襄之西甯知縣恩棟率城內難民男婦老弱三萬餘名望

書法卷五  
塵迎拜喜極而涕劉錦棠宣布

皇仁遂加撫諭令其照常防守其城外老弱回民約千餘口籲  
乞曲貸生命亦令免死安插並諭土回披裹者准其歸候安  
插此十月初十至二十日攻破小峽要隘力解西甯府城重  
圍之實在情形也 臣維破伯赴西甯距縣七里渡湟水西南  
達府城兩山對峙湟水中流古所稱湟中者也由大峽口抵  
小峽口數十里高峰危聳中通一徑岸路僅寬數尺兵馬能  
魚貫不能雁行南北溝壑紛歧賊蹤出沒其間排父子鎗平  
地施放命中較易此次叛逆烏本源烏桂源兄弟先請官軍  
驅逐陝回迨官軍甫進大峽忽嗾陝回助逆拚死抗拒又糾

五工八工撒拉回衆合勢抗拒地險賊衆又皆著名兇狡劉錦棠孤軍深入以馬步十八營分紮八十餘里賊時於山凹中出隊阻截運道圍撲各營聲氣間隔時須調撥救援前後計兩月有餘大小五十餘戰幸賴

朝廷威福無戰不捷得以掃除積年兇慝挈遼中境土仍隸職方此固非臣等所能逆料也至邊地苦寒大小峽一帶山谷盤互日月蔽虧冰凌凝結最早計五十餘戰中半皆夜不收隊露立雪窖中擊柝之聲與號寒之聲相雜而軍士無一怨者非平時訓練有方奚以致此現據劉錦棠稟報馬本源馬桂源帶同各土回目挈眷逃入撒拉蓋該逆本猶化廳人與

撤拉同鄉并撤拉素所瞻就者也。臣已飭按察使陳湜河州鎮沈玉遂督同河州撫回馬占釐圖之據報該逆已抵巴燕戎格矣。大抵回情最忌縛獻阿訇總須其自投羅網耳。至陝回已焚棄所踞大小南川巢穴揚言直奔甘州嗣仍踞西川未動意或求撫亦未可知。臣宗棠前調提督吳隆海率果軍降補叅將楊世俊率奇捷馬步等營合馬隊三營步隊八營隨同劉錦棠進剿。比抵碾伯則小峽口業已攻克。劉錦棠兵抵西甯矣。現正搜除餘匪分別剿撫以靖地方。所有此次最為出力員弁合無仰懇

天恩加以鼓勵



賞穿黃馬褂三品卿銜布政使銜即選道雲騎尉世職法福凌  
阿巴圖魯劉錦棠敏銳善戰謀勇兼優耐苦耐勞為一時統  
將之最臣等不敢妄擬保叙應如何加

恩之處出自

聖裁

賞穿黃馬褂頭品頂戴記名提督達桑阿巴圖魯何作霖識畧  
過人膽勇出眾為賊所憚應請無論甘肅提鎮缺出儘先題  
奏頭品頂戴記名提督奇車博巴圖魯余虎恩忠勇奮發能  
衝能堵應請遇有陝甘提鎮缺出儘先題奏並請

賞穿黃馬褂頭品頂戴記名提督伯奇巴圖魯譚上連隊伍整

嚴撲竇勇敢應請遇有陝甘提鎮缺出儘先題奏頭品頂戴  
記名提督霍隆武巴圖魯席大成頭品頂戴記名提督奇朗  
阿巴圖魯譚和義頭品頂戴記名提督果勒明阿巴圖魯羅  
照陞頭品頂戴記名提督哈豐阿巴圖魯尹興茂均請  
賞穿黃馬褂記名提督呼敦巴圖魯蘇大德請

賞給頭品頂戴記名提督訥爾經額巴圖魯陳啟明請

賞給正一品封典總兵銜推補副將譚慎典請免補副將以總

兵

交軍機處記名總兵銜安徽補用副將依清阿巴圖魯陳宗蕃

請

賞給頭品頂戴副將銜儘先拔補參將陶鼎全請

賞給清字勇號記名提督巴克坦巴圖魯蕭元亨請

賞給頭品頂戴提督銜記名總兵綽勇巴圖魯楊耀關記名總  
兵直勇巴圖魯黃錦雲均請

賞換清字勇號花翎補用都司董福祥請免補都司以游擊留  
於陝西儘先補用並

賞給二品頂戴二品

封典藍翎補用都司張俊請免補都司以游擊留於陝西儘先  
補用並

賞換花翎

賔給勇號藍翎補用都司李雙梁請免補都司以游擊留於陝  
西儘先補用並加參將銜

賔換花翎花翎補用都司張萬會請免補都司以游擊留於陝  
西儘先補用並加參將銜記名提督多托哩巴圖魯潘長清  
記名提督訥恩登額巴圖魯陳建厚記名提督阿木巴凌武  
巴圖魯楊玉週記名提督努克齊思斯琿巴圖魯李有成記  
名提督喀勒崇依巴圖魯王福田記名提督瑚松額巴圖魯  
李政洪記名提督愛什蘭巴圖魯唐國華均請

賔給頭品頂戴記名提督楊勇巴圖魯劉象賢記名提督額特  
和恩巴圖魯宋祥發記名提督業鏗額巴圖魯節時益記名



提督蘇彰阿巴圖魯李隆寶記名提督西吉爾琿巴圖魯李  
清勝記名提督捍勇巴圖魯喻少選記名提督額騰依巴圖  
魯匡義志記名提督伊伯德恩巴圖魯彭明達記名提督訥  
恩登額巴圖魯李春元記名提督雄勇巴圖魯李恒春記名  
提督傑勇巴圖魯周恒升提督銜記名總兵懋勇巴圖魯朱  
正和均請

賞給正一品封典記名提督納清額巴圖魯李協和記名提督  
額爾得蒙額巴圖魯趙寶林均請

交部從優議叙記名提督奮勇巴圖魯廖得勝記名提督捍勇  
巴圖魯彭楨祥提督銜記名總兵勉勇巴圖魯郭慶才記名

總兵武勇巴圖魯曾昌明記名總兵力勇巴圖魯蕭玉吉總  
兵銜補用副將銘勇巴圖魯李克常總兵銜補用副將奮勇  
巴圖魯符世禮副將銜補用參將偉勇巴圖魯胡義和均請  
賞換清字勇號記名提督黃友信記名提督邱俊鳳總兵銜湖  
南儘先補用副將張沛福建補用副將鄧增均請

賞給清字勇號鄧增並請

賞加總兵銜記名提督張振壽劉得喜二品頂戴參將銜兩江  
補用游擊李章貢游擊銜陝西補用都司楊錦棠均請

賞給勇號提督銜記名總兵鷺勇巴圖魯賀長發記名總兵阿  
克丹巴圖魯湯秀齋記名總兵穆勇巴圖魯歐陽勝記名總

兵質勇巴圖魯葛致清記名總兵胡勇巴圖魯劉國斌均請  
以提督總兵記名遇有提鎮缺出請

旨簡放提督銜記名總兵愛星阿巴圖魯雷貴才記名總兵穎  
勇巴圖魯喻先達總兵銜留陝補用副將姜鏡成總兵銜補  
用副將彭榮復均請以提督總兵記名遇有提鎮缺出請  
旨簡放記名提督克勇巴圖魯陶生林請

賞給頭品頂戴並

賞換清字勇號補用副將克勇巴圖魯胡英傑補用副將董官  
寶李雲珥張得榮賀益陞總兵銜兩湖補用副將強勇巴圖  
魯蘭福喜補用副將端勇巴圖魯周廷福補用副將譚全才

楊再發均請免補副將以總兵記名請

旨簡放副將銜補用叅將程玉修儘先叅將盧有升藍翎儘先  
拔補叅將周國泰均請免補本班以副將儘先補用並加總  
兵銜周國泰並請

賞換花翎叅將銜留陝補用游擊楊全龍叅將銜福建補用游  
擊威勇巴圖魯唐玉德叅將銜兩江補用游擊蘇秀生均請  
免補本班並免補叅將以副將仍留原省儘先補用楊全龍  
蘇秀生並請

賞給勇號叅將銜儘先游擊袁紹華請免補本班並免補叅將  
以副將儘先補用並請



賞給勇號補用游擊沈玉貴請免補游擊並免補叅將以副將  
留於湖南儘先補用二品頂戴游擊銜補用都司湯廷幹游  
擊銜儘先補用都司劉長其傅長春鄒祖德張得昇補用都  
司李孝隆均請免補都司並免補游擊以叅將儘先補用張  
得昇劉長其李孝隆並請

賞給勇號叅將銜兩江補用游擊榮勇巴圖魯鄧金陵請免補  
本班以叅將仍留原省補用並請

賞加副將銜游擊李得勝請免補本班以叅將儘先補用並請  
賞給勇號游擊銜河南補用都司秀勇巴圖魯蘇貴興請免補  
都司並免補游擊以叅將留於原省補用並請

賁加副將銜湖南補用都司彭秀文兩江補用都司胡少亭均  
請免補本班以游擊留於原省補用彭秀文並請

賁給勇號胡少亭並請

賁加叅將銜藍翎補用都司周玉堂請免補都司以游擊儘先  
補用並請

賁換花翎都司銜湖南補用守備朱星貴請免補守備並免補  
都司以游擊仍留原省儘先補用花翎守備趙自新石成玉  
田九福張登鼇李雙海王廷棟田仲魁藍翎守備丁添祥均  
請免補守備以都司儘先拔補並請

賁加游擊銜守備銜千總羅言王俊邦胡登花張果張廣吉杜

錫斌董天海苗仲會何有道均請免補千總並免補守備以  
都司儘先補用藍翎千總熊來儀范永清聶青山均請免補  
千總以守備儘先補用並

賞換花翎補用把總張瑞揚董占富趙奉樂薛成德均請免補  
本班以千總儘先補用並加守備銜張瑞揚並請

賞戴藍翎儘先外委夏德華請免補外委並免補把總以千總  
儘先補用並請

賞戴藍翎運同銜分省補用直隸州知州優勇巴圖魯武條箴  
候選直隸州知州王鎮壙留陝前補用直隸州知州周漢  
均請免選補本班以知府留於陝西歸軍功候補班前補用

留陝補用直隸州知州龍錫慶請以本班改留甘肅歸候補  
班前先補用並

賁加知府銜藍翎山西補用知縣吳先熊請免補本班以知州  
仍留原省歸軍功候補班前先補用並請

賁換花翎同知銜浙江候補知縣袁壽齡請俟補缺後以同知  
歸軍功候補班前先補用此外實在出力員弁勇丁容俊索  
案保獎以示激厲其疊次陣亡將弁均係百戰精銳於緹幽  
鑿險中力竭捐軀實堪軫惜謹另繕清單伏懇

天恩飭部分別從優議卹以作士氣而慰忠魂謹合詞陳

奏伏乞



皇太后

皇上聖鑒訓示施行謹

奏